

A comedia ta Penia

L Grop de la Mèscres prejenta n nef Dvd con la storia di 50 egn

Comedies - L Grop de la Mèscres de Dèlba e Penia, dò aer tout pèrt a la rassegna de teater del Comun general de Fascia, l'é l protagonist prinzipèl del Carnascèr fascian. En sabeda ai 9 de firé i atores portarà sun paladina la comedia "Vic e ac te na cèsa de mac" scritta da Stefen Dellantonio Monech. Dapò passarà

mìngol de temp inant de poder endò se goder ajache chest an l temp de Carnascèr l'é lonch. En jebia grassa ai 28 de firé vegnarà endò spilenà "N pat a vita" de Simon de Giulio e en mèrtesc gras ai 5 de mèrz la comedia "Vic e ac te na cèsa de mac". I apuntamenc é te la veia scoles de Penia da mesa les nef da sera.

L Grop de la Mèscres de Dèlba e Penia à enjignà ence n'autra sorpresa: n nef Dvd che conta la storia di 50 egn che vegnarà prejentà doman, sabeda ai 2 de firé da les 20.00 semper te la veia scoles de Penia. *(mci)*

I atores del Grop de la Mèscres de Dèlba e Penia.